

9. Atque ille, amore incensus, lavabatur in lacubus, quorum Nelumbia fluctuabant concussa per feminarum mammas, juventute elatas, atque sub quorum undis domus voluptariæ latebant.

10. Ibi valde illiciebant eum feminae vultibus suis, ad propriam suam pulchritudinem redactis, postquam oculorum collyria irrigatione abluta erant, pigmentaque rosea de labris abstersa.

11. Deinde ille cum mulieribus adiit planitiem, ad potandum adornatam, quæ odore suavi atque beneolente animum abripiebat; velut elephante cum femellis suis confugit ad lacum, lotis florentibus tectum.

12. Feminae avide hauriebant vinum, furtim ab illo porrectum, vehementem furorem excitans, atque ipse, *vakulæ* arboris instar cupidus, idem bibit ab illis oblatum.

13. Duæ res, commoratione in gremio dignæ, illius gremium explebant, cithara suave sonans, atque puella pulchris oculis prædita, dulce loquens.

14. Ipse beatus, tremulis coronis armillisque ornatus, tympani pulsatione animum movens, saltatrices, in gestibus suis errantes, magistris adstantibus, erubescere fecit.

15. Pulchris choreis peractis ille osculans earum vultum, in quo propter laborem notæ in fronte pictæ sudore ablutæ erant, molliterque ore suo afflans, *INDRÆ* atque *KUVERÆ* vitam imitabatur.

16. Ille novarum voluptatum cupidus, in congressibus suis furtivis ab aliis puellis advenientibus detectus, voluptate semipercepta turbabatur.

17. Ita puellas fallens, expertus est minationes digitorum, surculis similitum, adspectum, superciliorum contractione obliquum, sæpiusque cingulis vincebatur.

18. Ille in noctibus voluptati opportunis, nuntiis scientibus, pone amicam considens, ejus, destitutionem timentis, vocem audiebat queribundam.

19. Post congressum cum uxoribus cupidus factus saltatricum ægre reperiendarum, corpus earum magno labore pingere incepit, penicillo præ sudore e manibus labente.

20. Regina, invidentes æmuli, voluptate elatis, atque ipsæ cupidine